



Көпірлердің еңбекақысы көтеріледі

6-бет



Ұлт саулығын ұлықтаған шаһар

9-бет



«Жусан асі», «Жөміл» және «Шинель»

11-бет

EGEMEN QAZAQSTAN

№225 (30204) 25 ҚАРАША, БЕЙСЕНБІ 2021 ЖЫЛ

Жүз жылдық жыйнама

www.egemen.kz

E-mail: info@egemen.kz

FACEBOOK.COM/EGEMENKZ

TWITTER.COM/EGEMENKZ



Суретті түрлендірген А. ДУСЕНБЕК, Г. ОМІРБЕКОВ

Әлеуметтік нысандар саны рекордтық деңгейде

Мемлекет басшысы Қасым-Жомарт Тоқаев Нұр-Сұлтан қаласының әкімі Алтай Көлгіновті қабылдады, деп хабарлады Президенттің баспасөз қызметі.

Қасым-Жомарт Тоқаевқа елорданың әлеуметтік-экономикалық және инфрақұрылымдық дамуы жөнінде есеп берілді. Президентке әлеуметтік нысандар құрылысының көлемін ұлғайту, газбен қамту, инвестиция тарту, үлескерлік құрылыс нысандарын салуды аяқтау жұмыстары жөнінде баяндалды. Алтай Көлгіновтің айтуынша,

биыл Мемлекет басшысының тапсырмасымен салынған жеңілдікпен берілетін қолжетімді баспаналар, білім беру ошақтары мен басқа да әлеуметтік нысандар саны рекордтық деңгейге жеткен. Мәселен, 2019 жылы 2900 әлеуметтік пәтер салынса, 2021 жылы бұл көрсеткіш 10 мыңға дейін жеткен. 2022 жылы кемінде

10 мың әлеуметтік пәтер салу жоспарланып отыр. Сонымен қатар биыл пайдалануға берілген 15 мектеп 40 мыңға жуық оқушыны қамтуға мүмкіндік берді. Келесі жылы тағы да 16 мектеп салу жоспарланған.

Кездесу барысында Мемлекет басшысына эпидемиялық ахуалды тұрақтандыру шаралары және елордада жүргізіліп жатқан вакциналау жұмыстары туралы мәлімет берілді.

Қасым-Жомарт Тоқаев қаланы одан әрі дамыту жөнінде бірқатар тапсырма берді.

Жасампаз жастар – жарқын болашақ

Егемендік алған уақыттан бері ел дамуындағы маңызды салалар жолға қойылып, түрлі жаңа жобалар бастау алды. Әсіресе, дарынды жастардың, жаңа есімдердің жарыққа шығуына, өнерін шыңдауына жағдай жасалды. Бүгінгі күні қоғамның әр саласында жетістікке жеткен жастар – егемен елдің жаңа тарихындағы өзгерістер мен жаңалықтардың күзесі іспеттес.

Маржан ӘБШ,
«Egemen Qazaqstan»

Осы орайда елордада Тәуелсіздіктің 30 жылдығы аясында және Қазақстан Республикасының Тұңғыш Президенті күніне орай «Тәуелсіздік ұрпақтары» республикалық жастар форумы өтті. Алқалы жиынды ашқан Тұңғыш Президент – Елбасы Нұрсұлтан Назарбаев Қазақстан

жастарына бейнеүндеу жасады. Білімді де білікті, іскер де белсенді жастар бас қосқан республикалық форум қатысушыларын мерейлі мерекемен құттықтаған Елбасы, ең алдымен Тәуелсіздіктің ұлт тарихындағы маңызына тоқталды.

«Бұл – тәңірдің біздің ұрпаққа берген баға жетпес сыйы. Отыз жыл – халқымыз үшін тарихи белес. Біз осы уақыт

ішінде ата-бабамыздың асыл арманын орындап қана қоймай, оны баянды ете білдік. Қазақстанды әлем таныған, жаһан мойындаған іргелі мемлекетке айналдырдық. Бұл – барша халқымыздың ортақ жеңісі. Мен Қазақстанды Тәуелсіз мемлекет деп жариялаған тұста еліміздің келешегі жарқын, халқы бақуатты, жастары бақытты болсын деп армандалдым. Бүгінде сол арманым орындалып отыр. Тәуелсіздік жылдары біз дамыған елдермен терезесі тең, бәсекеге қабілетті жаңа буын тәрбиеледік», деген Тұңғыш Президент Н. Назарбаев Тәуелсіздікпен қатар дүниеге келген ұрпақ қазір орда бұзар отызға толып отырғанын атап өтті.

(Соңы 2-бетте)

Бельгияға ресми сапармен барады

25-26 қарашада Президент Қасым-Жомарт Тоқаев Бельгия Корольдігіне ресми сапармен барады. Бұл туралы Мемлекет басшысының баспасөз хатшысы Берік Уәли Фейсбуктегі парақшасында жазды.

«25-26 қарашада Президент Қасым-Жомарт Тоқаев Бельгия Корольдігіне ресми сапармен барады.

Мемлекет басшысы Брюссельде Бельгияның

және Еуропалық Одақтың басшылығымен келіссөздер жүргізеді, сондай-ақ еуропалық ірі компаниялардың жетекшілерімен бірқатар кездесу өткізеді деп жоспарланған», делінген хабарламада.

РЕСМИ

ҚАЗАҚСТАН РЕСПУБЛИКАСЫНЫҢ ЗАҢЫ

Қазақстан Республикасының кейбір заңнамалық актілеріне мемлекеттік басқару деңгейлері арасында өкілеттіктерді қайта бөлу мәселелері бойынша өзгерістер мен толықтырулар енгізу туралы

1-бап. Қазақстан Республикасының мына заңнамалық актілеріне өзгерістер мен толықтырулар енгізілсін:

1. 2008 жылғы 4 желтоқсандағы Қазақстан Республикасының Бюджет кодексіне:

126-баптың 2-тармағының екінші бөлігіндегі «Қазақстан Республикасының Үкіметі белгілейді» деген сөздер «мемлекеттік жоспарлау жөніндегі орталық уәкілетті орган айқындайды» деген сөздермен ауыстырылсын.

(Соңы 5-бетте)

ҚАЗАҚСТАН РЕСПУБЛИКАСЫ ПРЕЗИДЕНТІНІҢ ЖАРЛЫҒЫ

Қ.А. Бозымбаев туралы

Қанат Алдабергелулы Бозымбаев Алматы облысының әкімі болып тағайындалсын, ол Қазақстан Республикасы Президентінің көмекшісі лауазымынан босатылсын.

Қазақстан Республикасының Президенті Қ.ТОҚАЕВ

Нұр-Сұлтан, Ақорда, 2021 жылғы 24 қараша № 695

ХРОНИКА

Мемлекет басшысының Жарлығымен Амандық Ғаббасұлы Баталов Алматы облысының әкімі лауазымынан босатылды.

Алғыс білдірді

Президент Қасым-Жомарт Тоқаев Алматы облысының бұрынғы әкімі Амандық Ғаббасұлы Баталовқа елеулі еңбегі үшін алғыс білдірді. Бұл туралы Мемлекет басшысының баспасөз хатшысы Берік Уәли өзінің Фейсбуктегі парақшасында жазды.

«Мемлекет басшысы Қасым-Жомарт Тоқаев Амандық Баталовқа Алматы облысының әкімі лауазымында көп жыл жемісті қызмет атқарғаны, өңірді дамытуға және облыстың әлеуметтік-экономикалық әлеуетін арттыруға елеулі үлес қосқаны үшін алғыс білдірді», делінген әлеуметтік желідегі жазбада.

Мемлекет қазынасы

ҚАЗАҚСТАН ТӘУЕЛСІЗДІГІНЕ

30 ЖЫЛ

Салық – елді өркендетудің маңызды бөлшегі. Салық түсімдерінің есебінен мемлекет қазынасы толығып, бюджет жоспарланады. Бұл саланың да өз даму тарихы бар. Тәуелсіз Қазақстанның салық жүйесінің қалыптасқанына да биыл 30 жыл толып отыр. Оның негізі 1991 жылдың соңында қабылданған 16 жалпы мемлекеттік, 10 міндетті және 17 жергілікті салықты көздейтін заңдармен қаланды.

Қымбат ТОҚТАМҰРАТ,
«Egemen Qazaqstan»

Салт жүргендерге де салық міндеттелген

1991-1993 жылдары айналым салығының орнына күн салығының енгізілуі елеулі жаңалық болды. Бұл сол кезде республика бюджетін жеткілікті түрде кепілдендірілген табыс көзімен қамтамасыз етуге мүмкіндік берді. Осылайша, акциздерді қоса алғанда, жанама салықтардың үлесі шамамен 40 пайызды құрады.

Тарихқа үңілесек, түрлі мемлекеттік

бетбұрыстарға, оның ішкі және сыртқы саясатына байланысты салық жүйесі де өзгеріп отырған. Мысалы, Ұлы Отан соғысы кезінде соғыс салығы деген болған. Тіпті бойдақ жүргендерге де, баласы аз шағын отбасыларға да салық салынған. Бергінде де бойдақтарға салынатын салықты қайта қолданысқа енгізу керек деген ұсыныстар айтылғаны елдің есінде болар? Әсіресе демограф-ғалымдар мұндай салық түрі ел демографиясына әсер етіп, салт жүргендердің санын азайтады деген пікірін алға тартты. Кейін әлеуметтік наразылыққа байланысты бұл мәселе «жабулы күйінде» қалды.



60-жылдары қаржы органдары салықтық тізімдерді қолдан жасап, онда салық төлеушілер туралы ақпарат жеке жинақталған. Әр тұрғынның атында қандай мүлкі, қанша табысы бары есепке алынып,

салықты қолмен жинаған. Ол кезде салықшылардың қызметін жалақы төлейтін кәсіпорындар мен ұйымдар атқарған.

(Соңы 8-бетте)

КӨКЕЙКЕСТІ

«Алыстан арбалағанша...»



Президент Қасым-Жомарт Тоқаев биылғы «Халық бірлігі және жүйелі реформалар – ел өркендеуінің берік негізі» Жолдауында: «Біздің еңбек нарығымызға көші-қон үлері де зор ықпал етеді. Қазақстан – еңбек мигранттарын қабылдау жағынан ТМД елдері ішінде екінші орында. Бұл саладағы проблемаларды дұрыс шешуіміз керек. Үкімет Көші-қон саясатының жаңа тұжырымдамасын әзірлеуге тиіс. Онда шетелдерде жұмыс істеп жүрген өз азаматтарымыздың құқықтарын қорғау тәсілдері де көрініс тапқаны жөн», деген еді.

Кәрібай МҰСЫРМАН,
«Egemen Qazaqstan»

Расында да, Қазақстанға Орталық Азия елдерінен жыл сайын жүздеген мың заңды және заңсыз еңбек мигранттары келіп, нәпақа тауып жүргенімен, өз елімізде төленетін жалақыны азыншы, «ақшаны күреп табу» үшін алыс-жақын шетелдерге аттанған азаматтар да мыңдап саналады. Әрине, олардың дені – «Алыстан

арбалағанша жақыннан дорбала» деген нақыл сөзді құлағына іле қоймайтын жастар. Мол табыс тапқысы келетін қазақстандықтар көбінесе Еуразиялық экономикалық одақ туралы шартқа сәйкес арнайы рұқсат алмай-ақ көршілес Ресейге жұмысқа барып жатқанымен, шалғайдағы Оңтүстік Кореяда заңсыз еңбек мигранты ретінде жұмыс істеп жүрген отандастарымыз да аз емес.

(Соңы 6-бетте)

ВАЛЮТАЛАРДЫҢ РЕСМИ (НАРЫҚТЫҚ) БАҒАМДАРЫ:

EUR/KZT 481.6

USD/KZT 429.73

RUB/KZT 5.76

CNY/KZT 67.28

ҚАЗАҚСТАН РЕСПУБЛИКАСЫНЫҢ ЗАҢЫ

Қазақстан Республикасының кейбір заңнамалық актілеріне мемлекеттік басқару денгейлері арасында өкілеттіктерді қайта бөлу мәселелері бойынша өзгерістер мен толықтырулар енгізу туралы

(Соңы. Басы 1-бетте)

2. 2014 жылғы 5 шілдедегі Қазақстан Республикасының Қылмыстық-атқару кодексіне:

- 1) мазмұны алып тасталсын;
- 2) 15-баптың бірінші бөлігінің 5) тармақшасы алып тасталсын;
- 3) 16-баптың бірінші бөлігінің 19) тармақшасындағы «қағидаларды бекітеді» деген сөздер «қағидаларды» деген сөзбен ауыстырылып, мынадай мазмұндағы 20) тармақшамен толықтырылсын:
«20) қамаққа алу немесе бас бостандығынан айыру түріндегі жазасын өтеуден босатылатын адамдардың өздері тандаған тұрғылықты жеріне немесе жұмыс орнына бару жолында тегін жол жүрумен, сондай-ақ тамақ онімдерімен немесе ақшамен қамтамасыз ету қағидаларын бекітеді.»;
- 4) 165-баптың оншышы бөлігінде:
«таңдаған тұрғылықты жеріне» деген сөздер өзі таңдаған тұрғылықты жеріне немесе жұмыс орнына» деген сөздермен ауыстырылсын;

«Қазақстан Республикасының Үкіметі» деген сөздер «қылмыстық-атқару қызметі саласындағы уәкілетті орган» деген сөздермен ауыстырылсын.

3. «Семей ядролық сынақ полигонындағы ядролық сынақтардың салдарынан зарлап шеккен азаматтарды әлеуметтік қорғау туралы» 1992 жылғы 18 желтоқсандағы Қазақстан Республикасының Заңына:

- 1) 10-баптың бесінші абзацындағы «, мүгедек деп танылған аурулары бар адамдардың балалары, олардың денсаулық жағдайы мен Заңда аталған аймақтарда ата-аналарының бірінші болу факторы арасындағы себепті байланыстар анықталған ретте» деген сөздер «мүгедек деп танылған немесе иондаушы сәулеленудің әсерімен байланысты аурулар тізбесімен бекітілген аурулары бар адамдардың балалары, олардың денсаулық жағдайы мен Заңда көрсетілген аймақтарда ата-анасының біреуінің болу фактісі арасындағы себепті байланыс анықталған кезде» деген сөздермен ауыстырылсын;
- 2) 18-бап мынадай редакцияда жазылсын:
«18-бап. Семей ядролық сынақ полигонындағы ядролық сынақтар салдарынан туындаған, иондаушы сәулеленудің әсерімен байланысты аурулардың себепті байланысын анықтау Қазақстан Республикасының денсаулық сақтау саласындағы заңнамасына сәйкес жүзеге асырылады.»;

4. «Жанпай саяси қуғын-сүргіндер құрбандарын ақтау туралы» 1993 жылғы 14 сәуірдегі Қазақстан Республикасының Заңына:

- 1) 18-баптың бірінші бөлігі мынадай редакцияда жазылсын:
«18-бап. Осы Заңға сәйкес атқалған адамдарға ақтау туралы анықтамасын не заңды күшіне енген сот актісінің көшірмесін ұсынуы бойынша халықты әлеуметтік қорғау саласындағы уәкілетті орган айқындаған тәртіппен бірінші үлгідегі куәлік беріледі.»;
- 2) 24-баптың үшінші бөлігіндегі «Қазақстан Республикасының Үкіметі белгілеген» деген сөздер «халықты әлеуметтік қорғау саласындағы уәкілетті орган бекіткен» деген сөздермен ауыстырылсын.

5. «Қазақстан Республикасындағы көлік туралы» 1994 жылғы 21 қыркүйектегі Қазақстан Республикасының Заңына:

- 1-тармақын екінші бөлігі мынадай редакцияда жазылсын: «Жолаушыларды және көлік инфрақұрылымы объектілеріне келетін адамдарды, олардың алып жүретін заттарын, оның ішінде кол жүгі мен багажын жете тексеруді жүргізудің тәртібі мен талаптарын уәкілетті мемлекеттік орган айқындайды.»;
- 3) 10-тармақтар мынадай редакцияда жазылсын:
«3. Жете тексеру кезінде техникалық құралдар қолданылады, оларға қойылатын талаптарды уәкілетті мемлекеттік орган бекітеді.»;
- «10. Жете тексеру жүргізілетін көлік инфрақұрылымы объектілерінің, өздеріне қатысты жете тексеру жүргізілмейтін адамдарды, сондай-ақ көлік инфрақұрылымы объектілеріне ежелуге тыйым салынған заттар мен нәрселердің тізбелерін уәкілетті мемлекеттік орган бекітеді.»;

6. «Шаруашылық серіктестіктері туралы» 1995 жылғы 2 мамырдағы Қазақстан Республикасының Заңына:

- 4-баптың 1-тармағының екінші бөлігіндегі «Үкіметі мазмұнын белгілейтін» деген сөздер «Әділет министрлігі мазмұнын айқындайтын» деген сөздермен ауыстырылсын.
7. «Өндірістік кооператив туралы» 1995 жылғы 5 қазандағы Қазақстан Республикасының Заңына:

4-баптың екінші бөлігіндегі «Үкіметі мазмұнын белгілейтін» деген сөздер «Әділет министрлігі мазмұнын айқындайтын» деген сөздермен ауыстырылсын.

8. «Тұрғын үй қатынастары туралы» 1997 жылғы 16 сәуірдегі Қазақстан Республикасының Заңына:

- 1) 68-баптың 4) тармақшасындағы «Қазақстан Республикасының Үкіметі» деген сөздер «денсаулық сақтау саласындағы уәкілетті орган» деген сөздермен ауыстырылсын;
- 2) 69-баптың 6) тармақшасындағы «Қазақстан Республикасының Үкіметі» деген сөздер «денсаулық сақтау саласындағы уәкілетті орган» деген сөздермен ауыстырылсын;
- 3) 75-баптың 4-тармағының бірінші сөйлеміндегі «Қазақстан Республикасының Үкіметі бекіткен мүгедектердің жекелеген санаттарына және аурулар тізімінде аталған кейбір созылмалы аурулардың ауыр түрлерімен ауыратын азаматтарға дара (бөлек)» деген сөздер «Денсаулық сақтау саласындағы уәкілетті орган бекіткен аурулар тізімінде сағамаланған кейбір созылмалы аурулардың ауыр түрлерімен ауыратын азаматтарға жеке» деген сөздермен ауыстырылсын;
- 4) 101-3-баптың 1-тармағы бірінші бөлігінің 4) тармақшасындағы «Қазақстан Республикасының Үкіметі» деген сөздер «денсаулық сақтау саласындағы уәкілетті орган» деген сөздермен ауыстырылсын.

9. «Қазақстан Республикасындағы тіл туралы» 1997 жылғы 11 шілдедегі Қазақстан Республикасының Заңына:

- 1) 1-баптың 5) тармақшасы «экономиканың» деген сөздің алдынан «Қазақстан Республикасы Үкіметінің жанындағы» деген сөздермен толықтырылсын;
- 2) 24-1-бап алып тасталсын;
- 3) 24-2-бап мынадай мазмұндағы 2-1) тармақшамен толықтырылсын:

«2-1) облыстық ономастика комиссиялары және республикалық маңызы бар қалалардың, астананың ономастика комиссиялары туралы үлгілік ережені әзірлейді және бекітеді»;

4) 25-1-бапта:

- 1) тақырып мынадай редакцияда жазылсын:
«25-1-бап. Ономастика комиссиялары»;
- 1-тармақ мынадай редакцияда жазылсын:
«1. Қазақстан Республикасы Үкіметінің жанынан – Республикалық ономастика комиссиясы құрылады, облыстардың, республикалық маңызы бар қалалардың, астананың жергілікті атқарушы органдарының жанынан тиісінше облыстардың, республикалық маңызы бар қалалардың, астананың ономастика комиссиялары құрылады.»;

мынадай мазмұндағы 1-1-тармақпен толықтырылсын:

- «1-1) Ономастика ономастика комиссиясының құзыретіне: 1) ономастика мәселелерін бойынша ұсынымдар мен ұсыныстар әзірлеу;
- 2) облыстарды, аудандар мен қалаларды атау, олардың атауын өзгерту, сондай-ақ олардың атауларының транскрипциясын нақтылау мен өзгерту жөнінде қорытындылар беру;
- 3) Қазақстан Республикасының аумағындағы мемлекеттік меншіктің әуезжайларға, порттарға, теміржол вокзалдарына, теміржол станцияларына, метрополитен станцияларына, автовокзалдарға, автостанцияларға, физикалық-географиялық және басқа да объектілерге атау беру, сондай-ақ олардың атауын өзгерту, олардың атауларының транскрипциясын нақтылау мен өзгерту және мемлекеттік заңды тұлғаларға, мемлекет қатысатын заңды тұлғаларға адамдардың есімдерін беру жөнінде қорытындылар беру;

4) қаладағы аудандарды, облыстық маңызы бар қалалардың құрамдас бөліктерін атау, олардың атауын өзгерту, сондай-ақ олардың атауларының транскрипциясын нақтылау мен өзгерту жөнінде қорытындылар беру;

5) республикалық маңызы бар қалалардың, астананың ономастика комиссияларының қаладағы аудандарды, республикалық маңызы бар қалалардың, астананың құрамдас бөліктерін атау, олардың атауын өзгерту, сондай-ақ олардың атауларының транскрипциясын нақтылау мен өзгерту жөніндегі қорытындыларын келісу жатады.»;

10. «Жауапкершілігі шектелуі және қосымша жауапкершілігі бар серіктестіктер туралы» 1998 жылғы 22 сәуірдегі Қазақстан Республикасының Заңына:

17-баптың 6-тармағы мынадай редакцияда жазылсын:
«6. Жауапкершілігі шектелуі серіктестіктің ұйымдық-құқықтық нысанында құрылатын шағын, орта және ірі кәсіпкерлік субъектілері өз қызметін Қазақстан

Республикасының Әділет министрлігі мазмұнын айқындайтын үлгілік жарғы негізінде жүзеге асыра алады.»;

11. «Аудиторлық қызмет туралы» 1998 жылғы 20 қарашадағы Қазақстан Республикасының Заңына:

- 1) 6-баптың 3) тармақшасы алып тасталсын;
- 2) 7-баптың 4) тармақшасы мынадай редакцияда жазылсын:
«4) аудиторлық қызметті лицензиялау кезіндегі біліктілік талаптарын және оларға сәйкестікті растайтын құжаттар тізбесін бекіту туралы нормативтік құқықтық актіні әзірлейді, рұқсаттар және хабарламалар саласындағы уәкілетті органмен және ақпараттандыру саласындағы уәкілетті органмен келіседі және оларды бекітеді.»;
- 3) 10-баптың 1-тармағындағы «Қазақстан Республикасының Үкіметі» деген сөздер «рұқсаттар және хабарламалар саласындағы уәкілетті органмен және ақпараттандыру саласындағы уәкілетті органмен келісу бойынша уәкілетті орган» деген сөздермен ауыстырылсын.

12. «Жекелеген қару түрлерінің айналымына мемлекеттік бақылау жасау туралы» 1998 жылғы 30 желтоқсандағы Қазақстан Республикасының Заңына:

- 1) 8-баптың төртінші бөлігі алып тасталсын;
- 2) 14-баптың 1-тармағының екінші сөйлемі алып тасталсын.
13. «Адамдарды қоғамнан уақытша оқшаулауды қамтамасыз ететін арнаулы мекемелерде, арнаулы үй-жайларда ұстау тәртібі мен шарттары туралы» 1999 жылғы 30 наурыздағы Қазақстан Республикасының Заңына:

1) 7-бапта:

тақырып «, оларды есепке алуды жүргізу» деген сөздермен толықтырылсын;

4-тармақ мынадай мазмұндағы үшінші бөлікпен толықтырылсын:

«Қылмыстық-атқару жүйесінің тергеу изоляторларында ұсталатын адамдарды есепке алуды жүргізу қылмыстық-атқару қызметі саласындағы уәкілетті орган айқындаған тәртіппен жүзеге асырылады.»;

2-тармақ мынадай редакцияда жазылсын:
«2. Арнаулы мекемелерді қоғамдық байқау комиссияларының қызметі нысанында қоғамдық бақылау Қазақстан Республикасы Қылмыстық-атқару кодексінің 33, 34, 35, 37 және 38-баптарына сәйкес жүзеге асырылады.»;

3 және 4-тармақтар алып тасталсын.

14. «Бұқаралық ақпарат құралдары туралы» 1999 жылғы 23 шілдедегі Қазақстан Республикасының Заңына:

- 1) 4-2-баптың 2) тармақшасы алып тасталсын;
- 2) 4-3-бапта:

11) тармақша алып тасталсын;

мынадай мазмұндағы 11-1) тармақшамен толықтырылсын:
«11-1) Қазақстан Республикасының аумағында таратылатын шетелдік мерзімді баспасөз басылмаларын есепке алуды жүзеге асыру қағидаларын әзірлейді және рұқсаттар және хабарламалар саласындағы уәкілетті органмен және ақпараттандыру саласындағы уәкілетті органмен келісу бойынша бекітеді.»;

15. «Құзет қызметі туралы» 2000 жылғы 19 қазандағы Қазақстан Республикасының Заңына:

18-бапта:

тақырыптағы «Құзет қызметі субъектілері» деген сөздер «Жекеше күзет ұйымдары» деген сөздермен ауыстырылсын;

1-тармақта:

«Құзет қызметінің субъектілері», «қызметкерлерін олардың» деген сөздер тиісінше «Жекеше күзет ұйымдары», «құмыскерлерін олар өздерінің» деген сөздермен ауыстырылсын;

«саңдарда» деген сөз «Қазақстан Республикасының заңдарында» деген сөздермен ауыстырылсын;

2-тармақта:

бірінші бөліктегі «құзет қызметі субъектілерінің», «Құзет қызметі субъектілері», «Қазақстан Республикасының Үкіметі белгілейді» деген сөздер тиісінше «жекеше күзет ұйымдарының», «Жекеше күзет ұйымдары», «уәкілетті орган бекітеді» деген сөздермен ауыстырылсын;

екінші бөліктегі «құзет қызметі субъектілері» деген сөздер «жекеше күзет ұйымдары» деген сөздермен ауыстырылсын.

16. «Отбасы үлгісіндегі балалар ауылға және жасөспірімдер үйлері туралы» 2000 жылғы 13 желтоқсандағы Қазақстан Республикасының Заңына:

- 1) 11-баптың 3-тармағындағы «Қазақстан Республикасының Үкіметі» деген сөздер «білім беру саласындағы уәкілетті орган» деген сөздермен ауыстырылсын;
- 2) 22-баптың 2 және 3-тармақтарындағы «Қазақстан Республикасының Үкіметі бекіткен» деген сөздермен ауыстырылсын.

17. «Қазақстан Республикасындағы туристік қызмет туралы» 2001 жылғы 13 маусымдағы Қазақстан Республикасының Заңына:

- 10-баптың 6) тармақшасы алып тасталсын;
18. «Автомобиль жолдары туралы» 2001 жылғы 17 шілдедегі Қазақстан Республикасының Заңына:

20-баптың 3-тармағының 2) тармақшасындағы «Қазақстан Республикасының Үкіметі белгілеген» деген сөздер алып тасталсын.

19. «Геодезия және картография туралы» 2002 жылғы 3 шілдедегі Қазақстан Республикасының Заңына:

- 6-бапта:
- 8) тармақша мынадай редакцияда жазылсын:
«8) әроүсіру жұмыстарын жүргізуге арналған рұқсаттарды тіркеу, есепке алу мен беру қағидаларын әзірлеу және рұқсаттар және хабарламалар саласындағы уәкілетті органмен және ақпараттандыру саласындағы саласындағы уәкілетті органмен келісу бойынша бекіту»;

мынадай мазмұндағы 8-1) тармақшамен толықтырылсын:
«8-1) аэроүсіру жұмыстарын жүргізуге арналған рұқсаттарды тіркеуді, есепке алуды және беруді жүзеге асыру»;

20. «Акционерлік қоғамдар туралы» 2003 жылғы 13 мамырдағы Қазақстан Республикасының Заңына:

9-баптың 4-тармағы мынадай редакцияда жазылсын:
«4. Қоғам өз қызметін Қазақстан Республикасының Әділет министрлігі мазмұнын айқындайтын үлгілік жарғы негізінде жүзеге асыра алады.»;

21. «Темекі өнімдерінің өндірілуі мен айналымын мемлекеттік реттеу туралы» 2003 жылғы 12 маусымдағы Қазақстан Республикасының Заңына:

- 1) 4-баптың 4-2) тармақшасы алып тасталсын;
- 2) 5-бап мынадай мазмұндағы 2-1) тармақшамен толықтырылсын:

«2-1) филтрлі, филтрсіз сигареттерге және папирастарға ең төмен бөлшек сауда бағаларын белгілейді.»;

22. «Сауда қызметін реттеу туралы» 2004 жылғы 12 сәуірдегі Қазақстан Республикасының Заңына:

- 1) 7-баптың 4) тармақшасы «әзірлейді» деген сөзден кейін «және бекітеді» деген сөздермен толықтырылсын;
- 2) 12-баптың 4-тармағындағы «Қазақстан Республикасының Үкіметі белгілеген» деген сөздер «уәкілетті орган айқындаған» деген сөздермен ауыстырылсын;
- 3) 13-баптың 3-тармағындағы «талаптарды Қазақстан Республикасының Үкіметі айқындайды» деген сөздер «талаптар ішкі сауда қағидаларында айқындалады» деген сөздермен ауыстырылсын.

23. «Жемелетке толмағандар арасындағы құдық бұзушылықтардың профилактикасы мен балалардың қадағаласыз және панағыз қалуының алдын алу туралы» 2004 жылғы 9 шілдедегі Қазақстан Республикасының Заңына:

- 1) 13-баптың 10-тармағындағы «Қазақстан Республикасының Үкіметі» деген сөздер «денсаулық сақтау саласындағы уәкілетті орган» деген сөздермен ауыстырылсын;
- 2) 14-баптың 12-тармағындағы «Қазақстан Республикасының Үкіметі» деген сөздер «денсаулық сақтау саласындағы уәкілетті орган» деген сөздермен ауыстырылсын.

24. «Жануарлар дүниесін қорғау, өсімін молайту және пайдалану туралы» 2004 жылғы 9 шілдедегі Қазақстан Республикасының Заңына:

- 1) 9-баптың 1-тармағының бірінші бөлігі мынадай мазмұндағы 47-1) және 47-2) тармақшалармен толықтырылсын:
«47-1) аквасөру (балық өсіру) өнімдінің өнімділігі мен сапасын арттыруды, сондай-ақ асыл тұқымды балық өсіруді дамытуды субсидиялау қағидаларын әзірлейді және бекітеді;
- 47-2) инвестициялық салымдар кезінде балық шаруашылығы субъектісі шеккен шығыстардың бір бөлігін өтеу бойынша субсидиялау қағидаларын әзірлейді және бекітеді»;

2) 10-баптың 2-тармағы мынадай мазмұндағы 5-13) және 5-14) тармақшалармен толықтырылсын:

«5-13) инвестициялық салымдар кезінде балық шаруашылығы субъектісі шеккен шығыстардың бір бөлігін өтеуі;

5-14) аквасөру (балық өсіру) өнімдінің өнімділігі мен сапасын арттыруға, сондай-ақ асыл тұқымды балық өсіруді дамытуды субсидиялау берелі.»;

25. «Қазақстан Республикасының қорғанысы және Қарулы Күштері туралы» 2005 жылғы 7 қаңтардағы Қазақстан Республикасының Заңына:

22-баптың 2-тармағы мынадай мазмұндағы 15-1) тармақшамен толықтырылсын:

«15-1) аумақтық әскерлердің аумақтық органдары үшін қару-жаракты, әскери техниканы және арнаулы құралдарды сақтауды ұйымдастырады және олардың запастарын құрады.»;

26. «Қызметкер еңбек (қызметтік) міндеттерін атқарған кезде оны жазатайым оқиғалардан міндетті сақтандыру туралы» 2005 жылғы 7 ақпандағы Қазақстан Республикасының Заңына:

- 1) 11-баптың 3-тармағы үшінші бөлігінің 2) тармақшасындағы «Қазақстан Республикасының Үкіметі айқындаған» деген сөздер алып тасталсын;
- 2) 17-баптың 3-тармағының бірінші бөлігі мынадай редакцияда жазылсын:

«3. Экономикалық қызмет түрлерін қасіттік тәуекел сыныптарына жатқызу тәртібін уәкілетті орган айқындайды.»;

27. «Қазақстан Республикасының халықаралық шарттары туралы» 2005 жылғы 30 мамырдағы Қазақстан Республикасының Заңына:

- 1) 20-баптың 6-тармағы мынадай редакцияда жазылсын:
«6. Қазақстан Республикасы халықаралық шарттарының орындалуын қамтамасыз ету мониторингі Қазақстан Республикасының Сыртқы істер министрлігі айқындаған тәртіппен жүзеге асырылады.»;
- 2) 25-баптың 1-тармағының екінші бөлігі мынадай редакцияда жазылсын:

«Қазақстан Республикасы халықаралық шарттарының мемлекеттік тізімін жүргізу Қазақстан Республикасының Сыртқы істер министрлігі айқындаған тәртіппен жүзеге асырылады.»;

28. «Агроөнеркәсіптік кешені және ауылдық аумақтарды дамытуды мемлекеттік реттеу туралы» 2005 жылғы 8 шілдедегі Қазақстан Республикасының Заңына:

- 1) 6-баптың 1-тармағы 41) тармақшасының төртінші абзацы алып тасталсын;
- 2) 11-баптың 2-тармағының 4-1) тармақшасы алып тасталсын.

29. «Ерекше қорғалатын табиғи аумақтар туралы» 2006 жылғы 7 шілдедегі Қазақстан Республикасының Заңына:

- 1) 7-баптың 4) тармақшасының үшінші, төртінші және бесінші абзацтары алып тасталсын;
- 2) 8-баптың бірінші бөлігінде:

6) тармақша онының абзацындағы «қағидаларын бекіту» деген сөздер «қағидаларын» деген сөзбен ауыстырылып, мынадай мазмұндағы он бірінші абзацпен толықтырылсын:

«Биоөртүрлілікті сақтауға және ерекше қорғалатын табиғи аумақтарды дамытуға гранттар беретін халықаралық және мемлекеттік ұйымдар, үкіметтік емес ұйымдар мен қорлар тізбесін бекіту»;

6-1) тармақша он екінші абзацындағы «қағидаларын әзірлеу және бекіту» деген сөздер «қағидалары» деген сөзбен ауыстырылып, мынадай мазмұндағы он үшінші абзацпен толықтырылсын:

«ерекше қорғалатын табиғи аумақтардың мемлекеттік кадастрын жүргізу қағидаларын әзірлеу және бекіту»;

14-1) тармақша «және бекіту» деген сөздермен толықтырылсын;

16-2) және 16-4) тармақшалар алып тасталсын;

3) 13-баптың 2-тармағындағы «Қазақстан Республикасының Үкіметі айқындайтын биоауландылық сақтауға және ерекше қорғалатын табиғи аумақтарды дамытуға гранттар беретін үкіметтік емес ұйымдар мен қорлардың тізбесін» деген сөздер «биоөртүрлілікті сақтауға және ерекше қорғалатын табиғи аумақтарды дамытуға гранттар беретін халықаралық және мемлекеттік ұйымдардың, үкіметтік емес ұйымдар мен қорлардың тізбесін» деген сөздермен ауыстырылсын.

30. «Бұхгалтерлік есеп пен қаржылық есептілігі туралы» 2007 жылғы 28 ақпандағы Қазақстан Республикасының Заңына:

- 1) 1-бапта:
- 1) тармақшадағы «Қазақстан Республикасының Үкіметі» деген сөздер «рұқсаттар және хабарламалар саласындағы уәкілетті органмен және ақпараттандыру саласындағы уәкілетті органмен келісу бойынша уәкілетті орган» деген сөздермен ауыстырылсын;

3) тармақшадағы «Қазақстан Республикасының Үкіметі белгілеген тәртіппен» деген сөздер «жәсібі ұйымдарды, сертификаттау жөніндегі ұйымдарды аккредиттеу қағидаларына (бұдан әрі – аккредиттеу қағидалары) сәйкес» деген сөздермен ауыстырылсын;

4) тармақшадағы «Қазақстан Республикасының Үкіметі белгілеген тәртіппен» деген сөздер «аккредиттеу қағидаларына сәйкес» деген сөздермен ауыстырылсын;

2) 19-баптың 7-тармағы мынадай редакцияда жазылсын:
«7. Қазақстан Республикасы Үкіметінің шешімімен жария мүдделі ұйымдар үшін депозитарий құрылады, бұл ұйымдар осы депозитарийге уәкілетті орган айқындаған тәртіппен қаржылық есептілікті тасыруға міндетті.»;

3) 20-бапта:

- 1-1-тармақтың 2) тармақшасы алып тасталсын;
- 5-тармақтың 7) және 18) тармақшалары алып тасталсын.